


領教濟度金書卷

二百九十四之
二百九十六

平一

御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃庶	魚鼈咸若	家戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年十月十一日	



靈寶頌教濟度金書卷之一百九十四

一百九十五一
百九十六同卷

洞微高士開光救苦真人竊全真授

靈寶通玄弘教水南先生林靈真編

科儀立成品

安宅
齋用

早朝行道儀

啓堂頌

各禮師存念如法

衛靈

金真綠霞煥映三天飛雲丹霄諸天控輶

晨輝啓旦陰翳俱捐九微震空五星迴旋

萬仙應感 自然妙玄 杳冥散景 分形億千
玄珠光曜 瑞降壇乾 生死蒙惠 灌煉金泉
魔王敬奉 合景三田和與道合真

鳴法鼓二十四通

發爐

无上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官各三十六人出出者嚴裝
顯服冠帶垂纓關啓玄壇天帝神君當召此

間土地方域神真臣今早朝陞壇行道謹奉
為入意其諸丹悃已錄奏聞願得

太上十方至真道炁靈寶瑞光下降流入臣
等身中令臣所啓之誠速達徑御

至真无極大道昊天玉皇上帝

御前

請稱法位

具位奉行五土齋醮法事小兆臣某與臨壇
官衆等謹同誠上啓

太上无極大道虛无自然元始天尊太上道
君太上老君昊天玉皇上帝南極天皇大帝

北極紫微大帝南極長生大帝東極青華大
帝后土皇地祇九天生神上帝三十二天上
帝五靈五老上帝上清十一曜真皇君南斗
六司真君北斗九皇真君二十八宿星君營
室虛危星君土公土吏蓋屋土司空星君辟
土宮弧矢星君泰玄樞機三省諸相真君北
極四聖真君三元三官帝君祖師列位真君
三洞四輔經籙法部諸省府院司仙靈將吏
五嶽五帝真君五天聖帝洞天福地靖廬治
化仙真主宰本靖祖玄真師真人經籍度師

真人北陰豐都大帝水府扶桑大帝九壘土
皇君土府五方大帝南離北坎東震西兌四
面方隅禁忌神君本府本縣城隍司主者當
境土地里域真官三界官屬一切威靈臣聞
鴻濛肇胤凝祖炁於无形溟滓開圖散神功
於有象三極主張於經緯萬生橐籥於陰陽
无懷大庭之前宮室未備伏羲燧人之後棟
宇斯張上符辰次於天綱下應神方於地紀
循環八卦昭昭休咎之宗錯綜九宮燦燦災
祥之信悉稟女青之詔令共尊大赤之條章

有翼有嚴惟影惟響臣等應圖御錄宣德承
符旌方寸天旣勤奉於畝向借盈尺地盍精
進於教陳爰有青詞謹當宣奏

宣詞

按如詞言洞昭真切齋主某仰瞻營室之象

俯推相宅之文肯構肯堂突兀考翬飛之象

爰居爰處幸勤成鳩僦之功雖本人謀曷繇

帝力念經營之創始暨卜築以告終五炁陶

形幸有起居之喜百靈効命寧无震動之憂

欲永陽居宜昭陰貺芝壇璀璨鏘龍簏於九

成蘭篆熒煌煥鳳繒於五鎮叩首清微之主
皈神紫極之尊視聽自民願密覃於雨露禍
福由已期未際於風雲溥家國以同休襲天
人而均慶以今清旦行道請法衆等運茲初
捻上香

願此香煙騰空徑上供養

至真无上道寶天尊臣等皈身皈神皈命五
體投地仰依

太上三尊願以是功德上祝

皇帝陛下伏願乾坤呈瑞河洛昭祥冠帶九

圻化日拱无爲之治金湯萬里仁風歌有道
之長指嵩華以齊齡等滄溟而並福公卿列
嶽光贊

皇圖后妃諸王克匡帝業益衍文明之化咸
臻清靜之風今故燒香自皈依

道尊大聖衆至真之德得道之後保天長存
和與道合真

以今清旦行道請法衆等運茲二捻上香

願此香煙騰空徑上供養

无上至真經寶天尊臣等皈身皈神皈命首

體投地仰依

太上三尊願以是功德的流齋主某伏願東
華錫慶南極增齡漱金醴以怡神朱顏不老
度玉符而定命紫宇長春簾櫳之煖日輝輝
庭戶之清風拂拂椿萱秀潤蘭桂光華萃和

平一

四

炁於一門襲芳猷於百世今故燒香自皈依
經尊大聖衆至真之德得道之後永保安寧
和與道合真

以今清旦行道請法衆等運茲三捻上香
願此香煙騰空徑上供養

至真无上師寶天尊臣等皈身皈神皈命首
體投地仰依

太上三尊願以是功德皈流齋主某家九玄
七祖五族六親已往者朱火登名詣神鄉而
容與見在者青華錄字躋壽域以優游臣等
道俗姻親存亡師友均悟大乘之地同登小
有之天丕闡真機均陶

聖化今故燒香自皈依

師尊大聖衆至真之德得道之後昇入無形
和與道合真

禮方

懺方

臣等今故燒香皈身皈神皈命仰謝

十方无極太上靈寶天尊已得道天真聖衆
至真諸君丈人梵炁天君十鄉神仙諸靈官
今有奉齋法弟子某平一版築經營土木締初宜

五

家宜室肯構肯堂深慮掘鑿岡巒堆塚牆壁
山林伐掘池沼塞填上觸天星下侵地宿陰
陽宮卦寧免損傷枝幹方隅動招凌犯積月
閏日雖就康安歷歲周時或生災難非繇玄
蔭曷保洪禧因今燒香散花轉經行道祈恩

謝過集福迎祥伏願道炁羅敷靈光煥耀宣
告土府真宰禁忌龍神收斂威凶各安所部
保護宅舍成就吉昌制滅祲邪辟除火盜公
無徵擾私有安和孫子繁昌門庭清顯得道
之後升入無形和與道合真

三啓

樂法以爲妻 愛經如珠玉 持戒制六情
念道遣所欲 澹泊正氣停 蕭然神靜默
天魔並敬護 世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

又

大道洞玄虛

有念無不契

煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

太上无極大道虛無自然元始天尊太上道
君太上老君昊天玉皇上帝南極天皇大帝
北極紫微大帝南極長生大帝東極青華大
帝后土皇地祇九天生神上帝三十二天上

帝五靈五老上帝上清十一曜真皇君南辰
北斗兩曜皇君二十八宿星君營室虛危星
君土公土吏蓋屋土司空星君辟土宮弧矢
星君泰玄樞機三省諸相真君三官四聖五
師真君三洞四輔經籙法部諸省院府嶽司
仙靈將吏九壘土皇君土府五方大帝南離
北坎東震西兌四面方隅禁忌神君城隍主
者里域神員三界官屬一切威靈臣聞玉宇
開光法雨普霑於億萬金書啓運玄雲垂蔭
於大千白龍漢以流芳由鶴鳴而布化蕃釐

密被曾由精祲之通庶慝潛消惟賴檜禳之
應幽明溥賴今古攸遵凡昭作善之符必沐
降祥之祉今齋主某慶由先運福誕中華相
彼泉原渠渠幸成於夏屋宜其家室熙熙願
於春臺深虞召匠營材量徒投役畚鍤震
於岡隴陰忤神靈芥斤入於山林幽凌龍鬼
支干昧月德月空之位方隅錯歲刑歲破之
宮天星三萬六千取舍失當地煞一百二十
遷就乖宜致吉慶之渺茫或凶災之鼓動欲
全民欲須仗天休爰殫螻蟻之忱仰叩龍鸞

之御願霽聖澤曲布德音救土府之官君承
天舒惠勒地司之神吏體道收威遏九良七
煞之殃絕五鬼三符之釁上筦下簞居然夢
寐之安內府外庭展也身心之樂青春宴喜
白日舒遲詩書之世澤無涯芝蘭衮衮文獻
之光有耀桑梓欣欣五福備而隴畝雲連
百室盈而倉箱天富蒙如丹禱感荷洪恩上
願復載清寧儀璘輝煥山靈薦瑞川后呈祥
農桑雨潤於四郊烽燧煙沉於九服蠻夷戎
狄均稽顙於王庭鱗介羽毛悉全生於天性

家多孝悌國富忠良息三塗熱惱之悲遂五
夜起凌之樂則上明

天尊大慈之化下副臣等皈命之誠謹啓以
聞

發願

一念爲道四大合德齋主七世父母免脫憂
苦上昇天堂衣食豐足

二念帝王國主道化興隆庠序濟濟皇教恢
弘威儀翼翼普天所瞻民稱太平四夷賓
伏杖惡自滅賢聖日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行爲物

範

六念損已布施道士及飢寒者天下人民各

平一

八

得其所

七念蠕動跂行一切衆生咸蒙成就

八念赦其前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一

切克獲上仙白日登天拜見太上未成真
入雲車羽駕和與道合真

存神燒香

香官使者左右龍虎君侍香諸靈官當令臣
清旦陞壇行道之所自然生金液丹碧芝英
百靈衆真交會在此香火爐前令臣學道得
道求仙得仙齋官蒙福幽顯霑恩十方仙童
玉女接待蘭煙傳臣向來所啓之誠速達徑

御

至真无極大道昊天玉皇上帝御前

出堂頌

引至幕

謝師

靈寶領教濟度金書卷之一百九十四

靈寶領教濟度金書卷之一百九十五

洞微高士開光救苦真人甯全真授

靈寶通玄弘教水南先生林靈真編

科儀立成品

安宅齋用

午朝行道儀

啓堂頌

各禮師存念如法

衛靈

丹靈朱火 炎霞激風 赤輪剛運 天光八衝
迸威包羅 交變萬方 流金豁落 群魔滅蹤
辟姦破祆 明耀元功 金符召制 躡雲乘龍
謠歌慶會 散花太空 神化冥運 四極安隆
伏御帝前 罔有不恭 和與道合 眞

鳴法鼓二十四通

發爐

无上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官各三十六人出出者嚴裝
顯服冠帶垂纓關啓玄壇天帝神君當召此
間土地方域神真臣今午朝陞壇行道謹奏
為入意其諸丹悃已錄告聞願得
太上十方至真道炁靈寶瑞光下降流入臣
等身中今臣所啓之誠速達徑御

至真无極大道昊天玉皇上帝御前

請稱法位

具位奉行五土齋醮法事小兆臣某與臨壇
官衆等謹同誠上啓

太上无極大道虛无自然元始天尊太上道
君太上元君昊天玉皇上帝南極天皇帝

北極紫微大帝南極長生大帝東極青華大

帝后土皇地祇九天生神上帝三十二天上

帝五靈五老上帝上清十一曜真皇君南斗

六司真君北斗九皇真君二十八宿星君營

室虛危星君土公土吏蓋屋土司空星君辟

土宮弧矢星君泰玄樞機三省諸相真君北
極四聖真君三元三官帝君靈寶五師真君
九天諸司真君天曹諸司真君祖師列位真
君三洞四輔經籙法部諸省府院司仙靈將
吏五嶽五帝真君五天聖帝洞天福地靖廬
治化仙真主宰本靖祖玄真師真人經籍度
師真人北陰酆都大帝水府扶桑大帝九壘
土皇君土府五方大帝南離北坎東震西兌
四面方隅禁忌神君本府本縣城隍主者當
境里域真官三界官屬一切威靈臣聞大道

凝玄植天根於五劫至真演妙敷聖蒂於群
靈皇皇昭臨下之權蠢蠢稟受中之性職覆
職載亶由宰御之中分陰分陽不離甄陶之
內運帝車於紫極列神座於黃垓枝幹星羅
先後天之乾坤異位宮維棊布左右隅之離

十一

十一

坎殊方巢居既遠於淳風室處遂圍於化日
吉凶昭若隱顯皎然臣等鍊景投閑餐霞自
適炳丹青之誓勵志考槃奉金石之詞強顏
出岫庶不孤於陶冶庸克副於承宣齋主青

詞謹當宣告

宣詞

按如詞旨備切忱恟齋主其切切聚廬拳拳
考室上棟下宇免風雨之震凌東垣西墉象
星河之鈎紀工程告備輪奐斯張念經之營
之或昧天官日時之向背雖美矣完矣或干

地禁神殺之往來奠居期副於丹忱精禱宜
旼於玄蔭潔蠲蓬宇法象楓庭玉壘三成拱
十極无爲之主寶花四雨降三天浩劫之尊
對咫尺之威顏敷方寸之懇款願頌龍綵申
錫鴻禧克延百世之昌爲協五行之教以今

午朝行道請法衆等運茲初捨上香

願此香煙騰空徑上供養

至真无上道寶天尊臣等皈身皈神皈命首

體投地仰依

太上三尊願以是功德上祝

皇帝陛下伏願堯雲廣覆舜日齊明八荒昭

文軌之同垂衣御極萬國慕梯航之遠負展

朝元五山鎮地以齊齡八海浮天而並福宗

桃先聖珠旒高拱於紫清藩屏諸王玉葉光

依於皇極今故燒香自皈依

道尊大聖衆至真之德得道之後保天長存
和與道合真

以今午朝行道請法衆等運茲二捻上香
願此香煙騰空徑上供養

至真无上經寶天尊臣等皈身皈神皈命首

體投地仰依

太上三尊願以是功德皈流齋主某伏願圓
清錫蔭方厚凝珍萬景俱融耀門闈之喜氣
一塵不立舒宇宙之休聲青華書不老之名
丹極紀長生之字祖玄超邁駭麟駕以高躋

孫子綿洪登龍門而穩步今故燒香自皈依
經尊大聖衆至真之德得道之後永保長生
和與道合真

以今午朝行道請法衆等運茲三捻上香
願此香煙騰空徑上供養

至真无上師寶天尊臣等皈身皈神皈命首
體投地仰依

太上三尊願以是功德皈流普天率土中夏
外夷戴髮含齒之徒負羽披鱗之類並願時
調玉燭歲慶金穰川泳雲飛遂生生而疾超

覺地耕食斲飲離化化而頓悟玄機均證真
常永超輪轉臣等三師四友九族六親登無
漏之騫林辭有為之茅徑今故燒香自皈依
師尊大聖衆至真之德得道之後昇入无形
和與道合真

早一

十三

禮方

懺方

命魔

步虛

三啓

樂法以為妻

愛經如珠玉

持戒制六情

念道遣所欲

澹泊正氣傳

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

又

大道洞玄虛

有念無不契

煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

三清上聖十極高真九天生神上帝五靈五

老上帝辟土孤矢宮六曜星君三洞四輔經

錄法部諸省府院仙靈將吏九壘三十六土
皇君五方大帝南離北坎東震西兌四面方
隅禁忌神君城隍主者里域真官三界官屬
一切威靈臣聞函三凝粹拱清微玄妙之樞
得一分靈贊赤明希夷之化蔚若權衡之有

平一

十四

度昭然網紀之無私經羅四七之常上分次
舍緯綜五三之變下列方隅稟帝憲以御民
生承天符而陶物象襲祥光則千靈薦祉積
盤烝則百怪呈姦非叩九清曷膺五福今齋
主某卜觀井邑爰作室家百堵皆興幸莖茂

之迄就一區自蔽喜版築之有成樂琴書匪
耀於當時釁筭來期延於奕世猶恐綿延月
筭連巨星籌陟彼岡兮瓦石或盤於吉位鑿
斯池也錐鋸或陷於凶方昧清濁而辨方之
差殊亂偶竒而練日之紛揉易臻厄難曷迓
禎祥爰上溷於彤宸庶下符於丹悃伏冀雲
開閭闔風動絲綸敕太歲統神之司關衆煞
秉令之吏收其威照許以禱禳迎將軍豹尾
之貴神驅力士虎頭之賤煞水宮震動飛壓
火炁之災木位騰驤遙報土輝之釁消千災

於已往迎萬福於方來舉按齊眉宴壺天之
日永扶牀坐膝慶福地之春融永消乖運之
風濤式俟熙朝之歲月百室盈止庶事康哉
允懷化育之恩不負皈依之願上願玄元朗
耀洞輔宣明宇宙清平山河泰定春桑盈於

十一

十五

方野黃隴雲翻畫草鞠於園扉綠林風靜百
昌茂育五炁宣寧三途停囚繫之憂五道息
輪迴之苦凡居動植均格熙平則上明
天尊大慈之化下副臣等懇禱之誠謹啓以

聞

發願

一願大道澹泊虛无安閑空寂澄清自居廣
開法門教導頑夫皆蒙惠澤精苦自修預
以同學普得升虛與天相保長存無憂

二願諸天結炁澄清高虛廣覆保真固靈氣
候調節四運和平國安民豐普天閑寧廣
濟一切惠達有生保天長存億劫不傾

三願土地厚載無窮安平不陷海淪不崩保
鎮家國兆民興從養生安死惠周十方未
稼滋植營運日豐咸得承載萬類皆從

四願日月二景高明無有孛蝕虧盈安清光
照諸天洞消暗冥保固劫運世祚和平普
加潤澤惠灑衆生

五願星辰與日齊光轉燭照耀朗映十方各
安其位經緯直行保鎮家國無有災傷四

海寧一普天興昌

六願四時隨節推遷景氣和調無有災患疫
毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱
則無爲散則彌天神仙同居結友衆真惠

流一切興國愛民普濟群生人同劫年
八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙宮安
鎮國祚保天无終護度一切莫不仰宗

十一

十六

十願江海蕩蕩无極含容恢廓無細不植淵
奧柔惠潤加喘息天人獲慶年同劫石
十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央

十二願蝟飛蠢動已生未生成咸蒙安全普得
生成皆見元氣受陽之形草木果林經冬
不零一切濟度靡不鮮榮

存神燒香

香官使者左右龍虎君侍香諸靈官當令臣
午朝陞壇行道之所自然生金液丹碧芝英
百靈衆真交會在此香火爐前當令臣學道
得道求仙得仙齋官蒙福幽顯霑恩十方仙
童玉女接待蘭煙傳臣向來所啓之誠速達

徑御

至真无極大道昊天玉皇上帝御前

出堂頌

引至六幕

謝師

靈寶領教濟度金書卷之一百九十五

十一

十七

靈寶領教濟度金書卷之一百九十六

洞微高士開光救苦真人甯全真授

靈寶通玄弘教水南先生林靈真編

科儀立成品

安宅齋用

晚朝行道儀

啓堂頌

各禮師存念如法

衛靈

五星高耀 瑞炁飛浮 元始集神 天地交周
玉符寶節 嘯命微幽 擲火揚威 奸凶無留
萬魔振伏 紛葩却消 摧怪伐惡 道炁周流
神光照夜 陰翳俱收 萬仙降格 扇景乘颿
群生咸遂 惠遍神州 和與道合真

鳴法鼓二十四通

發爐

无上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官各三十六人出出者嚴裝
顯服冠帶垂纓關啓玄壇天帝神君當召此
間土地方域神真臣今晚朝陞壇行道謹奏
爲人意其諸忱悃已錄告聞願得
太上十方至真道炁靈寶瑞光下降流入臣
等身中令臣所啓之誠速達徑御
至真无極大道昊天玉皇上帝御前

請稱法位

具位奉行五土齋醮法事小兆臣某與臨壇
官衆等謹同誠上啓

太上无極大道虛无自然元始天尊太上道
君太上老君昊天玉皇上帝南極天皇大帝

十一

十八

北極紫微大帝南極長生大帝東極青華大
帝后土皇地祇九天生神上帝三十二天上
帝五靈五老上帝上清十一曜真皇君南斗
六司真君北斗九皇真君二十八宿星君營
室虛危星君土公土吏蓋屋土司空星君辟

土宮弧矢星君泰玄樞機三省諸相真君北
極四聖真君三元三官帝君靈寶五師真君
九天諸司真君天曹諸司真君祖師列位真
君三洞四輔經籙法部諸省府院司仙靈將
吏五嶽五帝真君五天聖帝洞天福地靖廬
治化仙真主宰本靖祖玄真師真人經籍度
師真人北陰酆都大帝水府扶桑大帝九壘
土皇君土府五方大帝南離北坎東震西兌
四面方隅禁忌神君本府本縣城隍司主者
當境土地里社真官三界官屬一切城靈臣

聞元精混沌生天地以權輿至道杳冥立陰
陽而主宰凝化則亭毒萬有運行則周流六
虛囊括洪纖包羅今古虛无恍惚清微拱御
於網維妙有恢張玄都裁成於政令人列三
才之貴性為萬物之靈分一炁以胚胎稟生

十一

十九

受命備衆形而變化葆妙凝真倘未離於塵
居固難潛於野處自乾震彰宮室之制而河
洛昭郊甸之方神實司之帝其鑒矣臣等叨
叅政柄濫握化機佩肘後之金書未明妙道
示囊中之玉訣誓暢玄宗既承皈向之勤盍

露懇祈之切爰有青詞謹當宣奏

宣詞

按如詞言情殫懇切齋主某詢謀梓匠經理
蓬居殫作室之辛勤覬克家之暇逸前營後
築五畝之宅歸然俯察仰觀九斗之宮儼若
慮從靡役逮至成功填鑿有冒於禁方葺構
或干於煞位卜年卜世雖期福衍於春秋練
日練時或恐青彰於歲月惟資天澤可慰民
情庸依空洞之真編式建虛皇之玉陛風清
龍尾千官之環珮鏘如日近螭頭十極之旌

旄爛若肆覲紫金之相聿嚴碧玉之壇几奏
誠殫簡馳恩霈願降穰穰之百福為消衮衮
之千災以今晚朝行道請法衆等運茲初於
上香

願此香煙騰空徑上供養

无上至真道寶天尊臣等皈身皈神皈命首
體投地仰依

太上三尊十方衆聖願以是功德上祝

皇帝陛下伏願聖邁羲炎德高軒昊六龍飛

蹕混夷夏以提封八駿巡疆統山河而御宇

形掖著重明之懿青宮稟齊聖之資槐幄論
思榆關決勝均佐半千之運共扶億萬之基
今故燒香自皈依

道尊大聖衆至真之德得道之後保天長存
和與道合真

以今晚朝行道請法衆等運茲二捻上香
願此香煙騰空徑上供養

至真无上經寶天尊臣等皈身皈神皈命首
體投地仰依

太上三尊十方聖衆願以是功德皈流齋主

某伏願玉顏邁俗金骨儲仙三百六旬沸懽
聲而賀夏一十二紀襲喜氣以熙春松蘿之
日月長新桑梓之春秋益茂文獻聿綿於世
澤詩書克著於家聲今故燒香自皈依
經尊大聖衆至真之德得道之後永保長生

和與道合真

以今晚朝行道請法衆等運茲三捻上香
願此香煙騰空徑上供養

无上至真師寶天尊臣等皈身皈神皈命首
體投地仰依

太上三尊十方衆聖願以是功德皈流三塗
五苦六洞十宮苦與囚徒陰靈滯識伏願地
除簡對冰絕盟言刀化樹而劔爲騫寒在陽
播水靜波而火息燄夜壑朝明均登快樂之
鄉齊脫輪迴之境蛸翹蠢動咸鼓舞於天機
人鬼龍仙普贊襄於帝化今故燒香自皈依
師尊大聖衆至真之德得道之後昇入无形
和與道合真

禮方

懺方

三啓

樂法以為妻

愛經如珠玉

持戒制六情

念道遣所欲

澹泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

又

大道洞玄虛

有念無不契

煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行五土齋醮法事小兆臣某與臨壇

官衆等謹重誠上啓

太上无極大道元始天尊太上道君太上老
君十方无極大道道德衆聖天尊至真大帝
天帝三十六部尊經玄中大法師土府太皇
太始五帝中央戊己應感真靈臣聞天尊散

平一

二十二

甄陶之化誕布慈風地祇持綱御之權承宣
化雨碧落界羅於五億黃輿機布於三千上
昭星宿之輝下列山川之壯悉根源於元始
祖炁咸宗本於无極真乘故三洞之玉笈宏
闡而九清之金書丕暢濟度幽顯提拯人天

几殫蟻佃以飯依必錫鴻禧而普被無幽不
燭有感斯通今齋主某以積善之家築環堵
之室先猷克紹敢辭徒役之艱辛後業庶基
懼瀆神靈之旁午或因構材陶甃或因窒坎
夷陵形勢所居填鑿是尚或的煞三元之莫
避或空亡四向之有干或莫明吊替之吉或
不辨報壓之位或昧貴人之逆順或觸直使
之飛行或修營有犯於鶴神或造作潛干於
螽命或符火之禁方興役或刑金之惡位興
工易致災殃曷臻福慶匪上資於帝渥莫下

慰於民情獅座端嚴不避再三之瀆鵷班肆
覲重據萬一之忱覲鑒愚衷恪垂聖澤頒青
符於土下飛丹詔於地中龍虎鳥蛇之方提
封四正天地山風之象管領八維敕陰然而
伏藏勒陽靈而效衛太歲爲衆神之主束縛

十一

一十三

地祇中黃爲列籌之宗消除土炁方隅安鎮
龍虎承符庭戶無塵藹四時之佳景宗祧有
耀延百世之榮觀遂十三義象之經營圓九
五箕疇之志願公私泰定內外咸和蒙如丹
禱之勤允被洪休之澤上願玄黃清晏海嶽

凝澄同穎呈祥雙岐薦瑞仁風丕冒無操戈
挾矢之徒化日舒遲免竭澤焚林之役五穀
熟而人民育三光全而寒暑平普及合靈均
陶至化則上明
天尊大慈之化下副小臣皈向之誠謹啓以

聞

發願

一願大道流行溥天懷德
二願一切有生咸皆悟道
三願九夜悲魂一時解脫

四願孤魂無依咸得受生
五願天下太平五穀豐熟
六願臣忠子孝君仁父慈
七願四海會同寃親和釋
八願潛胞處卵咸得生成
九願積疾新痾旋即痊愈
十願孤露衆生豐衣足食

存神燒香

香官使者左右龍虎君侍香諸靈官當令臣
晚朝行道之所自然生金液丹碧芝英百靈

衆真交會在此香火爐前令臣等學道得道
求仙得仙齋主蒙福幽顯霑恩十方仙童玉
女接待蘭煙傳臣向來所啓之誠速達徑御
至真无極大道昊天玉皇上帝御前

出堂頌

平一

引至幕

謝師

二十四

靈寶領教濟度金書卷之一百九十六共列

